

tollitur, nam etiam *uni* ad *decades* referri potest. Rem evictam daret *unum*, quo nil intelligi posset, nisi annus adjunctus ad *mille trecentos et quatuor decades*.

CXXVIII.

U. 20 Codex membraneus lat. Sec. XIV. Folior. 157. f. per duas columnas caractere luculento, crasso perscriptus, et rubricis distinctus hanc Notam praefert: *Hos quinque libros postillarum Nicolai de lyra dedit ad librariam Domus huius Egregius decretorum doctor Dominus leonardus Schawr Officialis Curie Patav. Orate pro eo. 1410. Rectoratum Academicum gessit Vir hic a. 1394. obiitque Canonicus Eccl. Ratisb. Patav. Brix. et Plebanus in Laa a. 1411. ut ejus Epitaphium in Carthusia Mauerbac. relatum a J. Jos. Lochero in Speculo Acad. p. 396. testatur. Per quinque Libros totidem Volumina intelligenda fuisse, quorum quatuor deperierunt, inde liquet, quod Codex noster non quinque, sed plures Libros contineat Postillarum. Insunt enim: In *Josue*, in *Judices*, in *Machabaeos*, in *Tobiam*, in *Judith*, in *Esther*, in *Sapientiam*, in *Ecclesiasticum*, suis singuli clausulis subnotati, quarum postrema: *Explicit postilla super ecclesiasticum. Edita a fratre Nicholao de lyra de ordine fratrum minorum. Sacre theologie doctore. Anno domini Millesimo trecentesimo. XXXI.* qui annus quamvis non descriptionem, sed absolutionem Operis respiciat, ipsa tamen etiam descriptio non procul ab eo*

abfuerit. *Postillae* ipsae saepenumero cum seorsim, tum in Bibliis glossatis typo excusae profant.

CXXIX.

Codex partim chartaceus, partim membraneus lat. Sec. XV. Folior. 316. f. per duas columnas bene scriptus, rubricis enotatus, et, ut anterior Theca praefatur, Collegio ducali *Vien.* legatus a saepe memorato *M. Thoma Ebendorfer de Haselbach* continet: I. *Hugonis de S. Caro* ex Ord. Praed. Cardinalis *Postilla in IV. Libros Regum, Paralipomena, II. Esdrae, Tobiam, Judith, Esther, tum Josue*; omnia, prout extant Edit. *Lugd. 1645. T. I. f.*

U. 33 II. fol. 233. p. 2. sequitur *Expositio domini Stephani Cantuariensis super Josue*. Item *super Judicum*, et *super Ruth*. *Stephanus hic Langtonus est Anglus*, sed *Parisiis* scientiis egregie excultus, et sacris dignitatibus ornatus, tandemque non sine turbis et difficultatibus ad *Angliae* Primatum et *Purpuram Rom.* eluctatus, demum defunctus a. 1228. De eo, et copiosis ejus Scriptis, quorum perpauca typis vulgata sunt, *Ciaconius* in *Vit. Pontiff. T. II. p. 31.* *Oudinus* T. II. col. 1695. *Caveus* Vol. II. p. 281. *Tannerus* *Bibl. Brit. Hib. p. 466* atque hic triplici *Expositioni* nostrae, extra *Angliam* satis rarae alia adsignat initia, quam quidem in *Codice* nostro habet, unde concludo, initia illa *Prooemiorum* esse, quibus *Librarius* noster caruit; incipit enim *Josue*:

Josue: *Et factum est post mortem &c. tam nomine quam re significat Josue Christum. Nomine quia saluator interpretatur. Requia populum in terram promissionis introduxit &c. Liber Judicum: Post mortem iosue &c. Liber iste dicitur hebraice softim latine iudicum &c. Ruth vero habet Proemium, sed a Tanneriano diversum; nam inquit: Nota, sicut brevis manibus apis et ex ea magnus extrahitur fructus, ita hic liber est modicus sed magna ponderositate refertus &c. Videant, quibus plurium Exemplarium inter se conferendorum est copia. Quidquid ceterum Scriptores quidam de hoc Viro ferant, ego persuadere mihi nunquam potui, Hominem insignibus vitiis laborare, qui totam vitam sacris literis excolendis et piis lucubrationibus impenderit.*

III. fol. 293. redit Hugo postillator super Judicum libro, ut T. I. supracit.

CXXX.

U. 28 Codex chartaceus lat. Sec. XV. Folior. 388. f. per duas columnas probe scriptus et rubricis illustratus olim M. Thomae Wolfel de Wuldersdorf 1478. legato continet Nicolai de Lira Postillas in IV. Regum, Paralipomena, Orationem Manassis, XII. Prophetas minores adhaerente Baruch, III. Esdrae, Tobiam, Judith, Esther, II. Machabaeorum. Fol. 133. post Libros Regum in ora infima: Ego Sigismundus Puchberger finivi 1455. barnabe. Idem

Librarius fol. 154. L. I. Paralip. c. 23. linea 1. *νευτολογεαφια* suam nobis propinavit verba: *Igitur David &c. characteribus exoticis repraesentando. Fol. item 341. p. 2. Antiochi M. Genealogiam tabellarem inferuit.*

CXXXI.

U. 25 Codex chartaceus lat. Sec. XV. Folior. 404. per duas columnas bene descriptus et rubricis enotatus, Donum Thomae de Wuldersdorf, ut antecedens, completitur ejusdem Lirani Postillas in Job, Isaiam, Jeremiam, Ezechielem et Danielelem. Initium: *Patientiam habe in me, et omnia reddam tibi. Math. 8. Quamuis uerbum propositum sit &c.*

CXXXII.

U. 122 Codex chartaceus lat. Sec. XIV. Folior. 286. 4. currente calamo perscriptus ad calcem haec refert: *Istum librum legavit Magister Rùgerus Dole felicitis recordationis collegio Ducis qui viam uniuerse carnis ingressus est Anno &c. Quadringentesimo Nono vicesimo sexto die Mensis Nouembris, cuius anima requiescat in pace. Amen. Precessit. Nos sequimur. Vir hic patria Ruraemundanus, popularibus suis ignotus, inter primos Academiae nostrae alumnos jam a. 1390. Philosophiae Decanatu functus a. 1407. fasces Rector gessit, simul D. Stephani Canonicus, et Plebanus, ut habent Catalogi, in Schrefling, fortasse re-*
ctius